



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

8. Omnia homini seruire, si Deus velit.

**urn:nbn:de:hbz:466:1-45653**

foueam vocabant) liberatum. Cuius rei historia cum insolens sit, ac auditu periucunda, placet verba scriptoris apponere. Aristomenem, ait, qui sepe alias, idem & tunc Deus seruauit: cuius, qui res gestas magnificentius extollunt, aduolasse aquilam dicunt, quæ cadenis corpus passis alis subiens, ita illum liberauerit, ut omni ex parte illas ad eius barathri ima delatus fuerit. Fato certè nescio quo exitus ei è tetro illo hiatu monstratus est. Nam cum in imo iam specu constitisset, veste obholurus decubuit, extremam, quam proxime adesse putabat, vite horam expectans. Triduum erat ibi iam commoratus, cum audito strepitu quodam, reiecta facie, per subluctres tenebras, vulpem vidit cædauera appetentem. Cogitans itaq, per ostiolum omnino aliquod bestiam illuc penetrasse, ut ea quantis per propius accederet, operiebatur. Id, cum, viri volebat, accidisset, feram manu altera comprehendit; altera, quæties se illa conuertisset, manu chlamydem mordicus prensandam obcyebat, & currentem quidem, qua se via dabat, cursu conseguebatur; trahendum verò se bellue, per inuia, prebebat. Vedit postremo cuniculum nihil ampliorem, quam unde posset vulpes euadere, per quem luminis se aliquid ostendebat. Per illum quadrupes, ut primum dimisit eam quasi manu missam Aristomenes, lustrum suum repetit. At ille angustam illam, & minimè peruiam cauernulam manibus aperiens intrans, ad suos tandem enasit. Fuit eius fortuna, cum captus est, mira & inopinata; maior enim viri spiritus erat, maior, ex rerum gestarum magnitudine, audacia, quam ut quisque capi illum posse sperare debuerit. Sed nihil fuit admirabilis; nullum certius præstantia huiusc argumentum, quam quod è Cœda elabi potuerit. Huc usque Pausanias. Nimirum. Psal. 62. 11. sicut, qui, castigante Deo, introibunt in inferiora terræ, tradentur in manus gladii, & partes vulpium erunt; ita vicissim, pro quibus Deus pugnat, vel ipsis vulpibus hostes vastabunt, quod legimus Iudic. 15. 4. Samsoni accidisse; qui, per facieras vulpes, longè latéque incendit segetes Philistæorum.

## VIII.

Ex eiusmodi historijs eluent varia diuinæ bonitatis iudicia. Nam 1. ostenditur, Deum in omnibus creaturis esse laudabilem, etiam ijs, quæ noxiæ vocantur. Hinc David non ait, tantum: *Laudate Dominum de cœlis &c.* sed etiam: *Laudate Dominum de terra: dracones & omnes abyssi: nec reges duntaxat & omnes populos, principes & omnes iudices terræ, sed etiam bestias & vniuersa pecora, itemque serpentes ipsos in Dei laudes trahit.* 2. Si utilia magis laudamus, demonstrat talibus euentis vniuersi Gubenerator, pos-

Psal. 148. 1.

tor, posse se etiam de ipsis pernitosis eruere hominum emolumenta. Hoc nimurum est etiam inter homines discrimen. Probi norunt etiam malis bene vti: impij autem ipsa bona raplunt in malum. 3. Hinc intelligimus, omnia homini seruire, si Deus velit; dominiumque illud ab initio hominibus datum, in peccati poenam a iusto iudice, subductum, aut limitatum. Manichæi solebant dicere: *Quomodo accepit homo potestatem pescium maris, & volatilium cœli, & omnium pecorum & ferarum, cum videamus a multis feris homines occidi, & a multis volatilibus nobis necessaria rapi, que volumus vel vitare, vel capere, & plerumq; non possumus? Quo modo ergo in hoc accepimus potestatem?* Hoc illis primum dicendum est, ait S. Ambrosius, quod multum errant, qui post peccatum considerant hominem, cum in huic vita mortalitatem damnatus est, & amisit perfectionem, qua factus est ad imaginem Dei. Sed si dominatio eius tantum valet, ut tam multis pecoribus imperet: quamvis enim a multis feris propter fragilitatem corporis possit occidi, a nullis tamen domari potest; cum ipse tam multis, & prope omnes domet. Si ergo hæc hominis dominatio tantum valet, quid censendum est in statu innocentiae valuisse? Timemus, inquit Ioan. Constantinopolitanus Episcopus, bestias & paucemus, non contradico. Sed non hoc offendit legem Dei esse mendacem. Ab initio enim non ita res erant dispositæ, sed timebant & tremebant, & subiciebantur Domino. Et quoniam a fiducia decidimus pro peccato, profecto & ab honore. Vnde hoc manifestum est? Adduxit enim Deus bestias ad Adam videlicet, quid eas vocaret, & non resluit Adam tanquam timens. Hoc unum signum, quod non fuerunt homini ab initio terribiles bestia. Secundum aliud isto manifestius, quæ fuit ad mulierem, per serpentem disputatio. Si enim essent bestiae terribiles hominibus, non virg. mulier viso serpente mansisset, nec accepisset consilium, non ei cum tanta sermocinaretur fiducia, sed statim ad eius expauisset & resluisset aspectum. Nunc autem & disputat, & non timet. Nondum enim erat timor iste, sed quia peccatum ingressum est, ablata sunt ea, quæ honoris sunt. Quamdiu quidem habebat ad Deum fiduciam, terribilis bestijs erat; sed quia offendit, extremos etiam conservorum suorum iam pauet.

4. Hinc discimus, penes Deum esse, vt nos creaturæ illius vel laudent, vel defendant. Itaque de generibus animalium venenosis & perniciosis queri solet, utrum post peccatum hominis, ad vindictam creatas sint, an potius, cum iam creatae essent innoxia, non nisi

Dd 3 postea

S. Ambro. lib. 1. de Genes. c. 18.

Apud S. Ambros. lib. 1. contra Iulian.

I X.  
S. Ambros. lib. 3. super Genes. c. 15.